

ԱՄԵՐՍԱՆՅԱՆ ԱՆՆԱ
(ՀՅԹԻ)
ԹՈՒՐԺԱԿԱՆ ԹԱՏՐՈՆԻ ՀԻՄՆԱԴՐՈՒՄԸ
ԵՎ ԱՌԱՋԻՆ ԴԵՐԱՍՄԱՆՈՒՀԻՆԵՐԸ

Թուրքական թատրոնի սկզբնավորումը և առաջին հիսուն տարիների պատմությունը սերտորեն կապված է հայ գործիչների անվան հետ: Այս հանգամանքը պայմանավորված էր նրանով, որ Օսմանյան կայսրությունը թափանցող եվրոպական նորամտությունների առաջին արձագանքադրույնն էր: «Եթե նրանք ամբողջությամբ չէին պատկանում եվրոպական քաղաքակրթությանը, ապա շատ մոտ էին կանգնած նրան», - գրում է Ջիա Գյոքալփը՝ անդրադառնալով այս հարցին¹: 1850-ական թվականներին արևմտահայության մշակութային կյանքում որոշակի աշխուժացում է նկատվում: Այնպիսի կարևոր հայաշատ կենտրոններում, ինչպիսին Կ.Պոլիսն ու Ջմյուռնիան էին, ժամանակի պահանջներին համապատասխան զարթոնք էին ապրում դպրոցն ու մամուլը, գիտությունն ու գրականությունը: Բազմաթիվ հայ երիտասարդներ իրենց կրթությունը շարունակում էին Եվրոպայում և վերադառնում՝ իրենց հետ բերելով բազմաթիվ նորամտություններ, որոնք դրական ազդեցություն էին գործում նաև հասարակության մեջ կանանց դիրքի բարելավման վրա: Այս կապակցությամբ ժամանակի արևմտահայ հասարակության ամենահայտնի կին գործիչներից Ջալել Եսայանը² իր հոդվածներից մեկում գրում է. «Վենետիկեն վերադարձող ուսանողներ, որոնք հետզհետե ընկերական կարեւոր դիրքերում հասան, հակառակ իրենց զանազան զբաղումներուն, վեհանձնօրէն իրենց մտքի պաշարէն բաժին հանեցին Պոլիս մնացող հասարակութեան, թէ՛ քարգանձութիւններով, թէ՛ ինքնատիպ գործերով. լրագրութիւնն սոյ մեծապէս նպաստեց մեր կիներուն մտաւոր մշակութեանը և հետզհետե եւրոպական զարգացումին հետ մեր բարքերն սոյ փոխուեցան ամէն տեսակէտով...»³: Այդ նորամտությունների թվին էր պատկանում նաև թատրոնը, որը խանդավառությամբ է ընդունվել արևմտահայերի կողմից: Սկզբնական շրջանում թատերական ներկայացումները կազմակերպվում

էին մեծահարուստների տնեյտում կամ դպրոցներում ու վարժարաններում: Այդ շրջանում կին դերասաններ չկային և «...կնոջ դերը յաճախ զանց կ'առնուէին և եթէ շատ անգամ գործողութեան քալելը անկարելի իսկ նկատուի՝ այս բազառիկ պայուագային դեռատի պատանիներ էին. որ կը կատարէին կնոջ դերը»⁴: Սակայն ամեն ինչ փոխվում է. երբ 1856թ. ձևավորվում է առաջին պրոֆեսիոնալ թատերախումբը. Այս նախաձեռնությունը Սրապիոն Հեքիմյանինն էր. որի կազմած թատերական խումբը «անդրանիկ խումբն է թէ՛ թուրք թատրոնին. և թէ՛ հայ թատրոնին»⁵: Այս խումբը Բերայի Նաումի թատրոնում թուրքերենով բավական երկար ժամանակ ներկայացումներ էր խաղում առանց կին դերասանուհի: «Ստեփան Էքչյուն թուրք և հայ թատրոնին պետքը միանգամայն կը լրացնէ յաջողելով հայ օրիորդ մը. որ յանձն առնէ ժամանակին, բարքերու այդ աններող շրջանին. կուրծք տալ զանազան չարախօսութեանց. որոնք բնականաբար պիտի յաջորդէին իր բեմին վրայ երևալու յանդգնութեանը»⁶: Խոսքը առաջին դերասանուհի՝ Օր. Ֆանինի (Աղավնի Խամսեան) մասին է, որն առաջին անգամ բեմ է դուրս եկել 1856թ՝ դառնալով հայ և թուրք թատրոնի առաջին կին դերասանը: Թատերասեր հասարակությունը շատ ջերմ է ընդունել կին դերասանի խաղը, որը նարույթ էր և դրա պակասը զգացվում էր վաղուց: Օր. Ֆանինին գործակից դարձավ նաև Օր. Աղավնի Գեորգեանը, որը նույն տարում սկսել է խաղալ Սրապիոն Հեքիմեանի կազմակերպած թատերական խմբի մեջ⁷: Սակայն Գ. Ստեփանյանը իր՝ «Ուրվագիծ արևմտահայ թատրոնի պատմության» աշխատության մեջ անդրադառնալով այս կանանց նշում է, «վերոհիշյալ կանայք՝ որպես սիրող մասնակցելով հանդերձ մի քանի ներկայացման, չեն կարող համարվել առաջին դերասանուհիները»⁸: Նա առաջին պրոֆեսիոնալ դերասանուհի համարում է Արուսյակ Փափագյանին:

Արդեն 1859թ. Կ.Պոլսի Բերա թաղամասում Սրապիոն Հեքիմեանը, ոգևորվելով իր կազմած թատերական խմբի հաջողություններից, վարժարանական սրահներից թատրոնը փոխադրել է պրոֆեսիոնալ բեմ և ձևավորել առաջին արևմտահայ կանոնավոր թատրոնը՝ «Արևելյան թատրոնը»⁹: Չնայած իր ունեցած կարճատև կյանքին (1859-1863), Արևելյան թատրոնը մեծ հաջողություններ է ունեցել: Արևմտահայ և թուրքական բեմի յավագույն դերասաններն ու դերասանուհիները՝ Էքչեան. Ֆասուլեանյան, Մնակյան, Պենկյան. Թրյանց, Աճեմյան,

Արտալակ Փափագյան, Մարիամ Ծաղիկյան և այլոք՝ որպես հմուտ դերասաններ կալագել են հենց այս թատրոնում¹⁰:

Արտալակ Փափագյանը, որը գերսզուսնց ավարտել էր Գում-Գափուի Ս. Լուսավորչեան վարժարանը և դասավանդել էր այնտեղ, մեծ հաջողություններ է ունեցել «Արևելյան թատրոնում»: «...կրմանը թեև թե մեր մեջ (խոսքը Կ.Պոլսի թատերասեր հասարակության մասին Լ. Ա.Ա) ոչ մէկ դերասանուհի իրեն չափ համակրանքի ու գոյգոյրանքի արժանացած է...Արևելյան թատրոնի բեմի վրայ նա համբավի ու փառքի զագաթնակէտին հասավ»¹¹: Արտալակի մեծ համբավն էր, որ հետագայում ոգևորել և բեմ է հանել նորանոր տաղանդավոր դերասանուհիներին, ինչպիսիք էին Երանուհի և Վերգինե Գարագաշյան քույրերը, Մարի Նվարդը, Պայծառ Ֆասուլյանը, Թ. Հերանույշը, Թերեզա Չուհաճյանը և այլոք, որոնք դարձել են թուրքական բեմի պարծանքը:

Առաջին թատերախումբը, որը Օսմանյան կայսրությունում տվել է թուրքերեն կանոնավոր ներկայացումներ և ունեցել է «պրոֆեսիոնալ» դրոշմ, Հակոբ Վարդավյանի կամ ինչպես թուրքերեն էին նրան անվանում՝ Գյուլու Հակոբի խումբն էր: Վարդավանի դերը՝ որպես թուրք թատրոնի հիմնադրի, հստակ ձևակերպել է Սելիմ Նուգեթ Զերչեքը, նշելով, որ թուրքերը նրան են պարտական իրենց թատրոնի ստեղծման համար¹²: Վարդավյանի փառքը ավելի ամուր հիմքերի վրա է դրվել 1869-70թթ. թատերաշրջանում, երբ սուլթանական կառավարությունը նրան շնորհել է Կ.Պոլսում հուշարարավ թատրոն ունենալու մեծաշնորհը՝ տասը տարի ժամանակով: Հայտնի դերասանուհի Ազնիվ Հրաչյան իր հուշերում այդ կապակցությամբ գրում է. «Ամիսը ութ ներկայացում կուտայինք, չորսը թուրքերեն լեզվով, չորսը հայերեն, իսկ ռամագանին երեսուն գիշեր շարունակ կը ներկայացնեինք թուրքերեն»¹³:

Առաջին երեք թատերաշրջանում Վարդավյանը թուրքերեն ներկայացումները բեմադրում էր բացառապես հայ դերասան-դերասանուհիների մասնակցությամբ: Թուրք դերասաններ գոյություն չուներին, իսկ դերասանուհու մասին խոսք լինել չէր կարող: Ստեղծվում է թատրոնին կից մի հանձնաժողով, որը բաղկացած էր ժամանակի ամենանշանավոր թուրք մտավորականներից, որոնք փորձում էին միջամտել ու կառավարել Վարդավանի գործունեությունը: Վերջիններիս առաջարկով նա փորձում է դասեր սուղ Ահմեդ Նեջիբին, Իսմայիլ

Հագգրնին և Հւսմդին. որոնք սակայն սահմանավանդում են երկրորդական դերեր կատարելով:

Վարդավառի թատրոնը գործեց ուղիղ տասը տարի՝ մինչև 1879թ.: «(Սմանյան թատրոնի» կազմալուծման միակ պատճառը Աբրաւ Համլոյի՝ թատրոնի շենքը մեկ օրում հիմնահատակ քանդելու հրամանն էր: Վերջինիս համար պատրվակ էր Ահմեդ Սիդհատի «Չերքեզ Էռզնէնները» ներկայացումը. որը սուլթանի չերքեզ թիկնապահների մեջ վեճի առիթ էր տվել: Պալատի ներքին խաղաղությունը վերականգնելու համար Աբրաւ Համլոյ այլ միջոց չէր գտել. նա հրամայել էր քանդել թատրոնի շենքը և ցրել թատերախումբը¹⁴:

Վարդավառի ռեժիսորներից Թ. Ֆասուլաճյանը նույն 1879թ. Պոլսում մնացած դերասաններից կազմել է թատերախումբ. մեկնել Բուրսա և շարունակել է մայրաքաղաքում ընդհատված թուրքական թատրոնի գործունեությունը: Բուրսայի թատրոնը փակվել է 1883թ.: Նույն տարվանից մոտ քառորդ դար թուրքական թատրոնի գործը ստանձնել է Մարտիրոս Մնակյանը՝ իր ղեկավարած «Օսմանյան դրամատիկ» թատերախմբով. որն իր ներկայացումները տվել է միայն թուրքերեն, քանի որ հայերեն ներկայացումներն արգելված էին մինչև 1908թ. օսմանյան սահմանադրության հռչակումը:

1908թ. հեղափոխությունից հետո Փարիզում կրթություն ստացած թուրք երիտասարդները ծրագրեր էին կազմում ազգային թատրոնի ստեղծման համար: Այդ երիտասարդներից մեկի՝ Բյուրհանեդդին բեյի անվան հետ է կապված թուրքական ազգային թատերախումբ ստեղծելու փորձերը: Նա ամեն ջանք գործադրում էր թուրքական թատրոնը հայկական տարրից ու ազդեցությունից ազատելու համար, սակայն թուրքերը չէին կարող առանց հայերի օգնության ունենալ ազգային թատրոն, քանի որ իսլամն արգելում էր կնոջ ներկայությունը բեմում, իսկ առանց դրա, ինչպես հետագայում նշում էր Աթաթուրքը, անհնար էր ստեղծել թուրքական ազգային թատրոն¹⁵: Թուրք թատերական գործիչները այս կարևոր հարցի լուծման համար դիմում են անգամ ծայրահեղ քայլի՝ փորձելով թատրոնի հետ կապել գնչուիների. որոնք թրքախոս էին և կարող էին նպաստել հայերից ազատվելու գործին: Նրանք հավաքագրում են 30-40 գնչուիներ, գրաճանաչ են դարձնում, սովորեցնում են բեմական արվեստը, սակայն անարդյունք. և հայ դերասանուհիները կրկին մնում են անփախարհելի¹⁶:

1913-14թթ Կ.Պոլսի քաղաքապետն էր Ֆեմիլ փաշան, որը կրթություն էր ստացել Լավրոսլայում և բարձր էր գնահատում թատերական արվեստը: Նա անձամբ ճանաչելով այդ ժամանակ Փարիզում մեծ հռչակ վայելող «Օդեոն» թատրոնի տնօրեն Ա. Անտուանին. հրավիրում է Պոլիս. որպեսզի վերջինիս օգնությամբ ձևավորվի թուրքական ազգային թատրոնը: Անտուանյու մոսմոնասիրում է քաղաքում առկա բոլոր գործող թատերախմբերը. ծանոթանում դերասանների հետ և գալիս է այն եզրակացության. որ թուրքական ազգային թատրոնի հիմնումն առանց հայերի օժանդակության և մասնակցության անհնար է: Նրա ջանքերով 1914թ. հիմնադրվում է թուրքական ազգային թատրոնը՝ «Դար ու Բեդսուն», որը գոյատևել է մինչև 1923թ., որից հետո նրա հիման վրա ստեղծվել է թուրքական պետական ազգային թատրոնը: «Դար ու Բեդայի» առաջին դերասանուհի է նշանակվել Էլիզ Պինեմենյանը, որը ամենաբարձր վարձատրվող դերասանուհին է եղել այդ թատրոնում: Այստեղ են խաղացել նաև Ջնար Սևադյանը, Ատրինե Դերձակյանը և ուրիշ հայ դերասանուհիներ: Երբ սկսվում է առաջին համաշխարհային պատերազմը, Անտուանը շուտափույթ լքում է Կ.Պոլիսը:

Առաջին համաշխարհային պատերազմը, Հայոց Յեղասպանությունը անհնար էին դարձնում թուրքական թատրոնում հայերի աշխատանքը, անգամ թուրքական թատրոնին այդքան մեծ ծառայություններ մատուցած Մ. Մնակյանին ազատում են «Դար ու Բեդայի» դրամատիկական բաժնի ղեկավարի և ռեժիսորի պարտականություններից: Մնակյանին հնարավոր եղավ փոխարինել Բըտվան քեյով, սակայն դերասանուհիների հարցում հայերին թատրոնից վտարելու քաղաքականությունը կարող էր պարզապես թատրոնը փակման առաջ կանգնեցնել: Թերևս դա էր պատճառը. որ Հայոց Յեղասպանության մոլոր ընթացքում և անգամ 1915թ. ոչ մի դերասանուհի չի բռնագաղթվել: Էլիզ Պինեմենյանը (Գովանի) թուրքական թատրոնում խաղացել է մինչև 1925թ., և մեկնել է Փարիզ, երբ թատրոնն ուներ իր առաջին թուրք դերասանուհիները:

Այսպիսով, թուրքական թատրոնի հիմնադրման և նրա առաջին հիսուն տարիների պատմությունը անքակտելիորեն կապված է հայ գործիչների անվան հետ: Եթե չլինեին արևմտահայ դերասանական խմբերը և հատկապես դերասանուհիները, ապա 19-րդ դարի վերջին և 20-րդ դարի սկզբին չէր լինի թուրքական թատրոնը:

ANNA ALEKSANYAN
(AGMI)
THE FOUNDATION OF THE TURKISH THEATRE AND THE FIRST
ACTRESSES

The origin and the history of the first fifty years of the Turkish theatre are closely connected with the names of the Armenian artists. This circumstance was conditioned by the fact that Armenians were first to respond to European innovations penetrating into the Ottoman Empire. First Turkish performances were staged by Armenians. Moreover, first professional theatre was founded by Armenians. The Turks made every effort to get rid of the influence of the Armenians in the Turkish theatre. However, it was impossible till 1925, since Armenian actresses were indispensable ones in the Turkish theatre.

ԾԱՆՈԹԱԳՐՈՒԹՅՈՒՆՆԵՐ

1. Фадеева И. Л., От империи к национальному государству, М., 2001, с. 65.
2. Զապել Եսայանը (1878-1937թթ.) ակտիվ հասարակական գործիչ էր, մանկավարժ, հրապարակախոս և թարգմանիչ: Նա առաջին արևմտահայ կանանցից էր, ով իր հրապարակումներում քարձրացնում էր կնոջ էմանսիպացիային առնչվող հարցեր:
3. Եսայեան Զ., Սեր կիները, «Ծաղիկ», Ձմյուռնիա, 1903, թիվ 13(552), էջ 150:
4. Անգեղեայ Ս., Հայ դերասանուհիները, «Ծաղիկ», Ձմյուռնիա, 1903, թիվ 1(540), էջ 2:
5. Նույն տեղում, էջ 2: Տե՛ս նաև Հարությունյան Բ., XIX-XX դարերի հայ թատրոնի տարեգրություն, Եր., 1980, էջ 22-23; Ստեփանյան Գ., Ուրվագիծ արևմտահայ թատրոնի պատմության, հ. 1, Եր., 1962, էջ 79:
6. Անգեղեայ Ս., նշվ. աշխ., էջ 2:
7. Դոպանյան Ա., Սկրտիչ Պեշիկթաշլյան, Փարիզ, 1907, էջ 87:
8. Ստեփանյան Գ., նշվ. աշխ., հ. 1, էջ 175:
9. Ստեփանյան Գ., նշվ. աշխ., հ. 1, էջ 213-319; Ըարասան, Թրքահայ քեմը և իր գործիչները, Կ. Պոլիս, 1914, էջ 8-10:
10. Ըարասան, նշվ. աշխ., էջ 9:
11. Նույն տեղում, էջ 30:
12. Ստեփանյան Գ., նշվ. աշխ., հ. 2, էջ 51:
13. Ազնիվ Հրաչյա, Իմ հիշողություններս, Փարիզ, 1909, էջ 68:
14. Ստեփանյան Գ., Թուրքական աղբյուրները՝ թուրք թատրոնի զարգացման գործում հայերի դերի մասին, Եր., 1983, էջ 13:
15. Ստեփանյան Գ., նշվ. աշխ., հ. 3, էջ 80:
16. Ստեփանյան Գ., նշվ. աշխ., հ. 3, էջ 80: